

action, & montrer qu'il n'appartenoit qu'aux vieilles femmes & aux enfans, de se faire baptifer, s'écria par les cabanes: Allés bonnes vieilles, allés, & vous petits enfans, qui n'aués pas le moyen de trouuer à manger, allés vous en trouuer les Robes noires, & vous faites baptifer, afin que vous ne mouriés pas de faim; que ceux qui vous reffemblent, vous imitent. Le Pere de [130] Quen voyant que ce cry se faisoit au mespris de la foy, & pour éloigner les Sauuages du Baptesme, rendit le change à ce miserable borgne; car allant le lendemain appeller les Chrestiens pour venir à la Messe, adjousta ces paroles d'une voix haute: Hommes & femmes, qui n'estes pas baptifés, allés trouuer Tefsehat, c'est le nom de ce borgne, il vous donnera tous à manger c'est luy qui tue les castors & qui sçait bien attraper l'orignac; Cét homme superbe au dernier point se croyant offensé, s'en vint tout fumant de cholere, trouuer le sieur Nicolet & le Pere Buteux se plaignant de l'affront qu'on luy auoit fait; mais on luy demanda si quand il renuoyoit les vieilles femmes & les enfans aux Peres pour se faire baptifer, afin d'auoir à manger, s'il pretendoit mespriser les prieres & le Baptesme: Il dit, que non; On luy repart, que le Pere de Quen ne pretendoit pas aussi de l'offenser, luy adreßant les hommes & les femmes pour les secourir, veu mesme qu'il estoit Capitaine: ce bon homme voyant bien qu'il perdrait son procès s'il passoit outre, aima mieux se taire, que de plaider dauantage.

[131] Pour reuenir à nostre Neophyte, il a fait baptifer toute sa famille; sa femme estant bien instruite, se vint presenter au Baptesme, trois iours apres sa